

káumarsainermik okatdlínermut ilaliússak aulisartunik nautsorssûserinermik kursusekartitsinek autdlaivigalugo

agdlagtok : Jakob Janussen

KNAPP-ip fiskeriudvalgívdlo norðkaineragut 1975-ip upernaunerane K'asigiánguane aulisartut kajumigtut nautsorssûserinermik kursusertínekarput sap. ak.-nik atautsimik siviúsusilingmik.

kursuse pilersínago sôruname isumaliorkutiginekarput kanok ingerdlánekasnersok. isumaliorkutine nunavtíne káumarsainiarnek nalingínaunerussok agtornekángitsungílak.

isumaliorkutausimassut kursuserneruvdlo kanok pineranik nalunaerut kingulíne sarkumiúnekásáput. neriugpunga káumarsainerup okatdlisiginekarnerata GOF-ip repräsentantskabiata kanok amerdlatigissunik ilaussortakarnigssânut íkardlíneranik kãngartitsiumârtok. okatdlínerup mássácut kigdligfia inuit iláinit pingártínekarunaraluakissok píssariaakalerput káumarsainerup kanok súniutekartiginera okatdlisigísavdlugo, erkartornekartariaakalerportaok kanok ítumik kanordlo imalingmik ingerdlánekarune kalâlekativtínit „minitanit“ sokutigínerartutut issiginekalersínaunersok.

*káumarsainek nalingínausok torðáinar-
tumik káumarsainermut sanigdlíutdlugo.*

pivfigssángorsorinarput okautigísav-
dlugo ajúngínerpâmik isumakardlune

káumarsainícut mánamut suliniarsimanek angnertunerussunik súniutekarsimángit-
sok. matumane pingártumik únúcut atu-
artitsissarnerit, Kalâtdlit-nunãne káu-
marsainiakatigít mãna GOF-imit kingo-
rârnekartut suliniarsimanere pinekarput.

angnertunerussunik pâsiniáingíkaluar-
dlune kularutigssáungílak inuiakati-
ngne avdlángorarfiokissune taimáitumig-
dlo erkigsisimarpiarnane norðkai-
viujuartutut taissariakartune nalingínaussumik káu-
marsainiarnerit angnertunerussunik sú-
niutekarnigssát ilimanautekangángit-
sok. inuit káumarsaiviginiagkat ilisimassag-
ssatigut písináussait ássigíngekaut. inung-
nik ilisimassakalâráine kularnángí-
lak inuit angnertúngitsunguáinarmik atuars-
massut tássauniartugssatdlo káumarsai-
niat nekerôrutáinik atorfigssakartitsiner-
pât tássarpiáusassútaok únúcut atuar-
fingmut, GOF-ip ássigíssáinutdlo or-
nigúnek ajortut tássame inugpatd-
lagdlutik ilamingnut kulaerumángínamí-
ko kanok káumaisakitsigínerdlutik. tássa
sangminiagkavta igdlua'tungâ. sulilo
igdlua'tungâ avdla unauvok únúcut
atuarfit, GOF-ip taimaekataisalo neke-
rôrutait ima issíkokardlutik sarkumiúne-
karajungmata inungnut táukunúnga
inuiakati-
ngnut ilaussortauvfiggissaming-
nut malingnainiarnermingne ajornartor-

siutekarêkissunut orniginartaratik; sulîlo pingârnerusok auna : nekerôrutit taimáit ut uvdluínarne inûniarnermingnut pigssakarniarnermingnutdlo agtûmássutekartutut issigísavdlugit píssutigssakavigsorissángínamik.

kulâne erkartornekartut erkarsautigigáine isúmerkajânarpok inuit pinekartut angnikíkaluartumigdlûnit sokutigingnilersíniásagáine píssaria kardluínartok 1) inuit táukorpiait sâgfigísavdlugit 2) pásíssutigssatdlo sâkuginiagkat tássaussaria kardlutik uvdluínarne inûnermingnut pigssakarniarnermingnutdlo agtûmassutut issigísinaussait.

pâsisitsiniainerme najorkutagssat angnerût suliariniásagáine sût píssaria karpat?

piarêrsarnigssamut pivfigssakardluarnigssak kinguârîtdlo minitanik tainekartartut pásisimavdluarnigssât. tássa mar dlugsuit tainiáinar dlugit.

taima pásisitsiniainigssame najorkutagssiulertínane píssaria kartûsorinarpok sulivfiginiagkat tikitdlugit pekatigalugitdlo kanok isumakarnerinik pásiniaivigísavdlugit najorkutagssiaugatdlartut misiligúmik túngavigalugit pásisitsiniainí kut.

kinguârît minitat kíkûpat?

inuiait kalâtdlit ilarpagssue! – naitsumik okardlune: piniartut, aulisartut, savautigdlit sulissartutdlo ingmí kut ilíniagakarsimángitsut.

kâ, autdlartíniarta!

píssaria kángilak inuit táuko kíkorpiau nerat isumakatigíngíssutigísavdlugo. pi

ngârneruvok kinguarsarnata autdlartí kuvta. nalunekángilak KGH sulivfigssuarne sulissuminik pásisitsiniaivdlune autdlartínikûssok. ingerdlatsinera maligtarerkigsârtaria karpok tapersersordluar taria kardlunilo avdlatdlo sulivfiginialertaria kardlutik.

sôrme aulisartut?

kalâtdlit aulisartut angnertûmik nor kaivfiussutut okautigissaria karput. su jugdlermik: inuiait avdlat kanigissavut aulisarnermigdlo ingerdlatsissut kalâtdlinut sanigdlíúkvutigik okartaria kar pugut aulisarnermik inûtigssarsitekarnek nunavtíne ukiune ardlakángexissune ingerdlasimassok. áipagssânik: inuiakatigít nutâliassut nunavtíne pilersíniagauneráne aulisarnek angnertokissumik pekatautíniarnekarpok. pingajugssânik: inuiait nutâliaussut píumassaisa – sôrdlo nautsorsûtinik ingerdlatitserkussinerit, angatdlatit píssataisalo aserfatdla gtailineknigssânik píumassat – aulisartut mikíngexissumik erkorpait. sisamagssânik: pingârtúvok aulisardlune inûtigssarsiornerup *kalâtdlinit* ingerdláne káinarnigssâ. – sila píssutauvdune ukiup ilâne – sôrdlo februarime, marsime aprílimilo – aulisarnek uníngatdlartarmat iluatingnartûsorinarpok pivfigssak aulisángivfiugatdlartok inûtigssarsiornerme iluakutaúsinaussunut atorniásavdlugo.

ingerdlániagkat kanok ilivdlune sarkúmiúnekásapat autdlartisarnekardlutigdlo?

pingârtúsaok inuit aulisartut uvdluínarne inûtigssarsiornermingne agtavekarfigiuagait súnerniásavdlugit ingerdlániagkamut tapersersuisíniardlugit. tássa pekatigífiat (kátuvfik ingmí kôrtortailo

erkarsautigalugit), pissáinik pisiortortartut, tássa amerdlanertigut KGH (fabrikip nálagá, aulisartitsissok, nálagaussat il. il.).

sût ilíniartitsíssutiginekásápat?

økonomi moderniussok aulisartut nangmingnek pissariakartitait túngavigineruvdlugit. pissariakartitait malingniaráine ássersûtít máko atornekarsínáuput: tunissamingnut agdlagartait, kvitteringit, iluarsartitsissarnermingnut agdlagartait, aulisarfigssamik tungānut uternermingnilo angalassarnerata sivissúsia, ingerdlatigssanut atugaisa (úliap il. il.) angner-tússusiat il. il. támako avkutigigáine ímaka angunekarsínauvok píssutsit takuínardlugit ingmingnut agtúmássutekángitsússát ingmingnut agtumássutekarneránik erkarsautigssínigssak.

K'asigiánguane aulisartut nautsorssúserinermik kursusekarnerat aprílíp uvdluisa 14-íanít 18-íanút.

autdlarkausiut.

marsip uvdluisa 19-íane 1975-ime Fiskeriudvalgime atautsimínerme aulajangernekartutut Kalátdlit-nunáliardlunga aprílíp uvdluisa sisamāne autdlarpunga avkutānilo únuak atausek Ausiangne únueriardlunga arfiníngornerme tatdlímāne K'asigiánguanut pivdlunga.

autdlarnersautaussumik atássutekarfít.

kursusip autdlartíngínerane igdlokarfingmínerme inuit kursusip sujunertānik tusagakásavdlutik sokutigingnigisorissat atássutekarfiginekarput.

Kangerdlugssuarmínivne K'asigiánguane GOF-imut sujuligtaissúngorkámersi-

massok ilíniartitsissok Preben Lange nāmagtórdlugo kursusekarnigssap sujunertānik navsuiáupara, táussumalo sujulerssuissokáme ilānut agdlagkanik nagsartípānga GOF-ip igdlokarfingme ingmikórtortakarfia ilisimatínekarniásangmat.

uvdlok tikivfiga niuvertok Striib Jensen naitsumik okalokatigāra aulisartordlo Karl Heilmann pulaordlugo. táussuma 1974-ime bilagine tamákerdlugit atugagssángortípai sunauvfalo iluagtit-sivigdlunga tássame akaguínartok aulisartut ardlalialugssuit pekatigalugit autdlarmat puissíniardlutik kilalugarniardlutigdlo pilerssárdlutik kursuse autdlarterkajartínago uterniardlutik. angatdlatit amerdlanerssait kekertat ilaisa erkáine síkússáuput uvdlordlo kursuserfik naggatāk autsát tikitdlutik.

Karl Heilmannip saniatigut aulisartunik avdlanik okalokatekartarpunga, sórdlo rájarniat pekatigígfíane sujuligtaissok Johannes Sandgreen. aulisarnermik aulisartutdlo nangmingnek píssutsinik issigingningneránik táuna sivisúmik okalokatigissarpara, kursusekarnigssamutdlo akuerssárdluínartúvok nauk nalorninautigisínaussainik arajutsisimángikaluardlune, okalugtúpāngalo kursusekarnigssap aulisartut tungānít kanok isumavdluarfiginekarneranik ilaorusugdlutigdlo nalunaersimassut arfinek-mardlússut.

uvalit ilāta angnerssā niuvertup agdlagfianípunga niuvertordlo avkutigalugo rájarniarnerup rájarniatdlo kanok ingerdlaneránik sukumíssumik pásissagssínekardlunga. niuvertok avkutigalugo fabrikip nálagāta 1960-íktut nálerneránít ukiumórtumik nalunaerutigissarsimassai

misigssuatársínāngorpáka, uvdlutdlo ilát ilivitsok táuko sangmiváka. nalunaerssútítigut táukunúnatigut kursuse autdlartítíngnago nalujungnaerpáka rájarniat aulisarnerme pekatausímassut kanok angnertutigissunik K'asigiánguanut tuláussakarsimassut. taima pásissakarnek kingusingnerussúkut atuartitsilernerme tunulekutarerísavdlugo ajortüngekaok.

kæmneriugatdlartok Erik Rørbæk Sørensen ilagsivara isumakatigalugulo uvdlut kursuserfigssat iláta agfá erhvervsstøttimik sangmingnivfigssatut ínimingnarniardlugo tássame nautsorssútigigavko aperkutit tássunga túngassut tikíngit-sørtugssáungíkivut.

akilerártitsissartut K'asigiánguane ingmikórtortakarfiat kursusekarnigssap sujunertânik okalugtúkiartoravko – náparsimanek píssutigalugo – agdlagfiup inugtatuáta Daniel Petersenip saniatigut avkusârdlune tássanítok skatteinspektoratimêrsok konsulente námagtôrpara. uvdlök sujugdlek okalokatigigavne konsulente okalokatíkuminaraluakalune akaguane píuminaidlivigsimavok ministeriap sujumórtumik nalunaerutekarêrsimángínera pakatsinarnerardlugo okalugdlune ersíssutigínerardlugulo nautsorssûserinerme akilerártitsissartut periausê malíngíkuvtigik pásivêrutitsínarnigssarput ilimagalugo. – okalungniakíssok kipínardlugo Daniel Petersen isumakatigâra uvdlut kursuserfít iláta agfá akilerârutinik erkartuivfiginiardlutigo Dánialilo aggísassok erkartugagssatdlo nangminek kursusekartutdlo pingârnerussutut issigíssatik sangmísagait.

kísalo K'asigiánguane aftenskoleme inersimassunigdlo atuartitsinerme píssortak, ilíniartitsíssok Konrad Steenholdt

kursusigssap sujunertânik okalugtúpara, táunátaok perkautâne erkumíngínikujugkaluarpok sujumut ilisimaterêrnekar-simángínermingnik.

sapâme aprílíp uvdluisa 14-iáne Anker Knudsen tikípok, isumakatigígipugutdlo kursusekarnigssak kalâtdlisuínavik ingerdlangniardlutigo uvdlâkut, uvdló'kerkanut únúkutdlo píssugssanik písimassunigdlo ingmivtínut ilisimatínartardluta.

kursusíp ingerdlanera.

atausíngornerme 14-iáne nal. kulingíluanut fabrikip nerissarfiane kursusekarfigssavtíne katerssúpugut. – aulisartut tatdlimat tákúput. uvdlup ilá arfinilígssát tákúpok taimalo Ludvig Berglund KNAPP-ip agdlagfekarfianêrsok tákutdlunísaok.

uvdlup sujugdliup agfá sorpiat sangmísanerivut kursusivdlo ingerdlangíssâ erkartorpavut.

isumakatigígipugut ingmikórtut máko sangminiardlutigik :

atausíngornerup uvaliane: Diskobugtíme rájarniat ingerdlatsinerânik misigssuinerme ímersugagssiat atornekartut pingajuat.

marðlúngornerme uvdló'kerkata sujornagut: nautsorssûserinerme erkartugagssat nalingínaunerussut. uvdló'kerkata kingorna: misigssuinerme ímersugagssat atornekartut sívnere.

pingasúngornerme: nautsorssûserinerme erkartugagssat itisilerneruvdlugit pingârtumik bilagit pássutdlugit ingmikórtiterdlugitdlo.

sisamángornerme tatdlimángornermilo: sule nautsorssûserinek píssariakásagpat, táukulo saniatigut akilerârutit, er-

hvervsstøtte aperkutitdlo aulisarnermut túngassut, sôrdlo: kontraktekardlune aulisarne, atortugssat, takússat aulisagkatdlo akê, fabrikip nautsorssûtai, GTO-p atortugssaerniarfiane sagfiûmik ilíniarsimassumik aulisartunik sujúner-suisínaussumik atorfigssakartitsinek, K'asigiánguane elektronikteknikerigssai-lexinek, kalorssuit nutât iluarsartítarne-risalo akê, talítarfigssailekinek, amutsi-vigssailekinek kranigssailekínerdlûnit, títutitsissarfik il. il. pekataussut ersser-igsaivigaivut aulisarnermik politikimut túngassunik isumakatigingningniásav-
dluta písinautitáungitsugut tamákule erkartorniarpatigik nálaorsínaussugut okauseriumassaitdlo agdlagdlugit inger-
dlaterkingniarivut.

atausingornerup uvalikua mardlúngor-
neruvdlo uvdlo'kerkata sujorna piler-
ssârutit maligdlugit ingerdlavugut. *mar-
dlúngornerme uvdlo'kerkata sujorna*
angatdlat rájarniut 36 fodilik 1965-ime
nutâjutitdlugo písarinekarsimassok
ássersûtítut sangmivarput. erkartorpavut
písarinekarnermine kanok akekarsima-
ssok, erhvervsstøttip tapiliússâ kanok
agtigisimassok, aulisartup tigutsissâ
kanok agtigissock, taorsigagssat sívnere
kanok amerdlatigissut ukiutdlo kavsit
taorsornerkásanersut. — tauva angat-
dlatip 1974-ime K'asigiánguanut rájar-
niardlune písarisimasínaussai kanok
amerdlatiginersut kanordlo nalekarn-
ersut migssiliūpavut. tauva angatdlatip
ukiumôrtumik aningaussartûtigisima-
naussai ukunúnga avguáupavut: taorsi-
gagssarsianut taorsitit (akiliutit), er-
niáinut akiliutit, sitdlímatinut, úliamut,
takússanut, atortunut nutânut, iluarsar-
títarnernut inugtatdlo aningaussarsiái-

nut. ingmíkûtártut kanok angnertutigi-
sínaunere aulisartut pekataussut nang-
mingnêrdlutik migssingertarpait; naut-
sorssûtítidlo inernere pilieriatdlaravtigik
ukiumut-una amigartôrutekarsimassok
47.350 korûnik. — nautsorssûsiavut
túngavigalugit ingerdlatsinerme aningau-
ssarsiat aningaussartûtítidlo angníkíka-
luartumik erkartutsiarpavut. aperkuti-
gâra angatdlat píssakarnersimasínáu-
ngínersok, úliamut, atortugssanut nutâ-
nut iluarsartítarnernutdlo aningaussar-
tûterparujugssuit migdlílernekarsínausi-
mángikaluarnersut; tíkuartorparalo úlia-
mut, atortugssanut iluarsartítarnernutdlo
aningaussartûtít taima angnertutigigpata
pissariakásassok aningaussartûtít táuko
sule ingmíkôrtiterkísavdlugit iluamik
pâsiniardlugo sût píssutauvdlutik ani-
ngaussartûtít taima amerdlatiginersut.

mardlúngornerup uvalikuane ímersu-
gagssat rájarniat ingerdlatsineránik mi-
sigssuinerme atornekartut sívnere, tássa
2, 1 ãma 4 sangmivavut, pingártumigdlo
4 akerdleríssutaungâtsiarpok ukiup
atautsip ingerdlanerane rájartarissamik
saniatigut avdlanik sunik píssakarsima-
nerdlutik aulisartut tusardliúkusúnging-
matigik. — naggatâgutdlo akagúkut sang-
missagssavut pilieriaravtigik uvagutdlo
sujúnersûtigigavtigo aulisartut nang-
mingnek bilagimingnik nagsarnigssât
isumakatigíngitdluáinalivigkaluarpu-
gut; sujúnersûtigigaluarparput pekati-
gíngdluta ingmíkôrtitísagivut. nâmerd-
luínak, tássalo aso!

Ludvig Berglund, Anker Knudsen
uvangalo mardlúngorníkut únúkut Karl
Heilmannip bilagê tamaisa sangmivavut
táukulo najorkutaralugit ukiumut naut-
sorssûtai suliaralutigik.

pingasúngorníku *uvdláku* bilagit ilait káumatip atautsip ingerdlanerane bilagiusínaussut nagsardlugit kursusekarfivínukarpugut, bilagitdle katitersimavavut táuko najorkutaralugit Karl Heilmannip ukiumut aningaussarsiai nautsorsornekarsínaujungnaerdlugit. sujudlermik isúmersimagaluarpuget pinaisernek sákortokatânik akiniardlugo isumarputdle avdlángortísimavdlutigo imailivdlugo igpagssaungmat okauserinekartut tikerkingnagit puiguínarniardlutigik pingasúngorníku dlo uvdláku akerdleríssutaúsínauungitsuínarnik sangmissakardluta autdlardtíniardluta. — ámut avkútâne ringbindit atugagssavta — tássa bilagit nautsorsúsuserinerme atornekarnigssânú ingmíkôrtiternerisa — amerdlakatait pisiarâvut tunuisigutdlo agdlagtuivfigalugit ringbinde una pissat agdlagsimavfínik imakásassok, avdla solaroliemut aningaussartútinik, avdla iluarsartíarnernut sule avdla aserfatdlagtáilínermut il. il. — bilagit atautsimut iliorariardlugit katugússorpavut mardluvíngordlugitdlo ingmíkôrtitdlugit kursuserutdlo mardlúngordlugítaok avitdlugit tamarmik bilaginik ingmíkôrtitigagssakalersitdlugit. ingmíkôrtiterissut písínautínekarput nalornissakalerunik kaerkuínarsínauungátigut. aitsâtdlime ulápuserput; atuartitsissaleramale inungnik suliamingnik taima autdlússivduartigissunik aitsâtnámagttúvunga. nalorníssutaúsínaussut atausiákârdlugit sarkúmiúnekaátârpup sangminekardlutigdlo. — pivfigssamik atuinakaok, isumagale maligdlugo ilíniartitsinerup ilátut píngitsôrnekarsínauungitsutut issigissaria kardluínarpok. tamáko sangminerine pekataussut periarfigssarsípútaok nalingínaunerussunik —

sórdlo ringbindit kanok pássútariakarnerinik — pásissakásavdlutik. — ingmíkôrtitererêrnerme pekataussut tamarmik ringbindinik atautsinik mardlungnigdlnít tuninekarput katitigagssamingnik. kisitissúnguakarpok issigalugit nuánerdluínardlutik.

uvdlo'kerkata sujornane Daniel Petersenip akilerârtitsissarfingmêrsup najorpâtigut suleriausivtínik alapernáikiartordlune tássame uvalíku pekataussugssaugame. *uvalíku* angatdlatip inugtáisa akilersornekarneráne akilerârtitsissartut maligtarissagssarititait angnermik sangmivai. — uvdlok nâlermat kursusekartut kínuvigátigut akilerârtarnermut túngassut nangíniaraluardlutigik; sôruname akuerinekarput saniatigut isumakatigígíniardluta sisamángorníku pivfigssakásagaluaruvta Karl Heilmannip bilagísa katiternerat kisitatdlo kúkunersiornigssait isumagísagivut. kursusekataussut ilát Johannes Sandgreen nekerôrutekarpok akagúku nautsorsúsútiminik káumámôrtunik bilagertalingnik nagsarniardlune.

sisamángornerme uvdlo'kerkata sujornagut pingasúngornerme uvdlo'kerkata sujornane nalorninartokarsínaussutut sarkúmiúnekarssimassut akilerârtitsissartut tungânít kanok isumakarfiginekarnerat pivavut.

uvdlo'kerkarnivtíne Johannes Sandgreen kínuvigârpup regnemaskinâ fabrikip kantínânkautdlugo atulárniardlugo. kantínap regnemaskinâ ápiuteriárdlugo pingasúngorníku katitigaussimassut kúkunersiorpavut. pekataussut tamarmik regnemaskínarsornek ôkátârpât. kavfisorêrnerup kingornagut Johannes Sandgreenip bilagê túngavigalugit

káumámôrtunik nautsorssúsiorpugut; kursusivdlo ilâ táuna Ludvig Berglundip nangminívgldlune ingerdlápâ pâsissavut-dlo maligdlugit torratdlaivigsorsimavdlune.

tatdlímángornerme uvdló'kerkata sujorna erhvervsstøttemut túngassut kæmnere najútítdlugo sangmivavut. aperkutit ardlagdlit akíssutekarfigai avdlatdlo akísínáungisane kingusingnerussúkut akíssagssángordlugit agdlagdlugit. kursusekartut ilâta aperinera iluagtitdlugo taorsigagssat akiliutigssanut ernianutdlo erhvervsstøttemit kanok nautsorssornekartarnerat navsuiarpavut. pâsissavut maligdlugit kursusertut aitsât sujugdlermêrtumik táukunínga ersserkigsumik navsuiáunekarunarpur.

tatdlímángornerup uvalikuane rájarniarnerup kanok ingerdlaneramik aulisartut isumait nálaorpavut.

sūme isumagssarsiarâvut?

kursusit taimáitut pissariakartínekarpat?

ilauna. aulisartut pekataussut kajumíssusiat, sokutigingníssusiat tatigingningneratdlo ugpernarsautigssáuput pissariakartitsinerup angnertússusianik.

kursusit kanok ingerdlánekasápat?

imailivdlugit autdlaivigissat tássaujuartariakardlutik pekataussut sungiusimarígait. ilíniartitsinerme maligtarissagssak una – nalussanik ilíkartitsiniarnerme nalúngerígkat túngaviujuásassut – puigornekasángilak.

ilíniartitsinerme najorkutagssat sût pissariakarpat?

pitsaunerpáusagaluarpok aulisartut nangmingnek bilagê atornekarsínaugaluarpata táukume tássaungmata inûnermingne sungiusimavdlugaít. nangmingnek bilagimingnik sarkúmiússinigssartik akâringípássuk – sôrdlume taimaeriatârsínaunerat sarkúmerêrsok – tauva bilagit nangminek bilagínut sapíngisamik ássingussut.

K'asigiánguanit autdlángínivtíne Johannes Sandgreenip neriorssorpátigut periausek kursusernerme atugarput maligdlugo 1975-ip ingerdlanerane káumatikôrtunik nautsorssúsiortarniardlune. ukiup nânerane akilerârtitsissartut nautsorssútut taimáitut akuerisínaugpatigik nekerôrutekarniarpok bilagit kimit piginekarnere takunekarsínaujungnaersínariardlugit ássilinekarsínaussut sôruname nautsorssútutait ilángutdlugit. ássilissat taimáitut ilíniartitsinerme atornekarsínáuput.

Ludvig Berglundivtaok okautigá KNAPP-ip agdlagfekarfia pisorkanik nutaunerussunigdlo bilagiutekartok táukulo najorkutaralugit ilíniartitsinerme najorkutagssat katerssornekarsínaussut sôruname imailivdlugit suliaralugit pigingnigtue kíkússut pâsinekarsínaujungnaersitdlugit.

ilíniartitsinerup ilai sordlît pingártutut taissariakarpat?

tamarmik! pingârdluínarpok tuavisârane ingerdlanigssak kulaerniardlugo pekataussut ilíkagkatik amigartumik ilíkar-simángikait; pissariakásaordlo sût nalíngínaunerussut – ímaka ilaisa pissariakángitsutut taiumasínaussait – sangmí-savdlugítaok pivfigssakarfiginíásavdlu-

git ilíniartitsinerup ilavísut ilivdlugit ilá-
ngússordlugit.

kíkut ilíniartitsissúsápat?

piúkúnartut, tássa inuit ilíniartitamik
inûtigssarsiutáinik uvdluínarnilo inûnerá-
nik pâsisimassakardluartut sôrunalume
ilíniartitsíssutiginiagkamingnik pâsisima-
ssakardluardlutigdlo ilíkartitsisínaussut;
mingnerúngitsumigdlo kalâtdlisut oka-
lugsínaussut tássame nugterekátângí-
káine aitsât ilíniartitsissup ilíniartutdlo
akornáne tatigekatigîngnek ánilângássu-
tekângínerdlo ilíniartitsinerme píngitsôr-
nekarsínáungitsut pilersínaungmata.

isumaliutigerkígíksártariakarpok auli-
sartut ilait – piarêrsardluariardlugit –
ilíniartitsissutut atornekarsínáungínersut.

atuartitat kanok amerdlatigissut pitsau-
nerúsápat?

amerdlavatdlâvatdlângitsut pingâr-

dluínarmáme ilíniartitsissup ilíniartitat-
dlo akornáne atuartitsinerme píngorar-
tuartut nákutigissagssat ularutíngínigssât
piarêrsarêrsimángisaraluanigdlo kagfa-
kâtitsinerme pekataussut tamarmik ma-
lingnaisínaunigssât taimame iliúsekarsí-
naunex ilíniartitsinerup iluagtítumik
ingerdlasínaunigssânut pingârutekardluí-
narmat.

kanok ingerdlarkísaugut?

kularíngitdluínarpara aulisartunik ilí-
niartitsinígssame sineriak tamât inger-
dlánekartugssame torâgínavigsumik pâ-
sisitsiniáinek atorniartariakartok.

nalerkutísagaluarpok erhvervsuddan-
nellesinspektorate KNAPP-ivdlo ag-
dlagfekarfia pekatigígdlutik kuláne ami-
garaluartumik erkartorniarnekarsima-
ssut maligdlugit najorkutagssioraluar-
pata ilíniartitsinerme atornekartug-
ssanik.